

From: UUM CORPORATE COMM.
Sent: Thursday, August 1, 2019 11:51 AM
To: UUM - All Staff; UUM - All Students
Subject: Bengkel Literasi Kewangan Islam Pupuk Kesedaran Perancangan Kewangan Islam Pelajar Sekolah



UUM Corporate Comm.
Universiti Utara Malaysia

1 OGOS 2019 / 29 ZULKAEDAH 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: IBS

BENGKEL LITERASI KEWANGAN ISLAM PUPUK KESEDARAN PERANCANGAN KEWANGAN ISLAM PELAJAR SEKOLAH



UUM ONLINE: Kegagalan menguruskan kewangan dengan baik boleh menjurus kepada keberhutangan yang tinggi, seterusnya membawa kepada kebangkrutan.

Sehubungan itu, Jawatankuasa Komuniti, Pusat Pengajian Perniagaan Islam (IBS) telah mengambil langkah memberikan pendedahan awal kepada pelajar Sekolah Menengah Kebangsaan (SMK) Kubang Rotan pada Bengkel Literasi Kewangan Islam, baru-baru ini.

Pengarah program, Prof. Madya Dr. Zairani Zainol berkata, setiap individu perlu tahu menguruskan kewangan secara bijak kerana kurang pengetahuan terhadap pengurusan kewangan akan menyebabkan pelbagai masalah pada masa hadapan antaranya hutang.

Menurutnya, keberhutangan yang tinggi akan menyebabkan pelbagai masalah masyarakat seperti mencuri, rasuah, menipu dan seterusnya akan meruntuhkan institusi kekeluargaan.

"Perancangan kewangan Islam pula lebih menyeluruh berbanding dengan perancangan kewangan konvensional kerana ia mengimbangi perancangan di dunia dan di akhirat, justeru individu perlu merancang kehidupan mereka di dunia yang seterusnya akan membawa kepada bekalan ke akhirat.

"Perancangan kewangan Islam perlu didedahkan kepada individu semenjak dari awal lagi terutamanya di peringkat sekolah menengah bagi memupuk kesedaran akan kepentingan perancangan kewangan kepada kehidupan mereka kelak," katanya.

Bengkel selama sehari itu telah disertai 100 pelajar Tingkatan 4 dan 5 dan dirasmikan oleh Timbalan Menteri Kewangan, Dato' Ir. Amiruddin Hamzah yang mengingatkan pelajar tentang kepentingan memahami sistem kewangan Islam dan perancangan kewangan Islam dalam kehidupan.

Bengkel tersebut dikendalikan oleh fasilitator-fasilitator yang terdiri daripada pensyarah IBS yang merupakan pakar dalam bidang kewangan Islam serta 15 pelajar Sarjana Kewangan Islam dan Perbankan (MIFB) bagi kursus *Contemporary in Islamic Banking*.

Selain SMK Kubang Rotan, bengkel itu turut diadakan di SMK Jerai dan SMK Tunku Abdul Malik.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.